

## UGOVOR o nabavci roba

zaključen između:

**Javna ustanova Opća bolnica „Prim. dr. Abdulah Nakaš“,**  
Sjedište: Kranjčevićeva broj 12, Sarajevo,  
koju zastupa Prim. dr. Zlatko Kravić, direktor,  
Identifikacijski broj: 4200288400001,  
(u daljem tekstu: Kupac)

i

**„ENERGOINVEST-SUE“ d.d. Sarajevo**  
Ul. Tvornička broj 3, 71000 Sarajevo,  
koga zastupa direktor Suzan Hota, dipl.el.ing.,  
Identifikacijski broj: 4200420360006  
Transakcijski račun: 3383202250130543  
Naziv banke Dobavljača: UniCredit bank d.d.  
(u daljem tekstu: Dobavljač)

### PREDMET UGOVORA

#### Član 1.

Predmet ovog ugovora je nabavka Nabavka dizel agregata (alternativno napajanje Bolnice električnom energijom) – 2 komada i nabavka UPS uređaja za održavanje napona elektro opremi – 2 komada u Operacionom bloku i opremi smještenoj na IV spratu Objekta O-I i to:

- isporuka
- ugradnja i/ili postavljanje i/ili montaža uz robu,

dalje: oprema i (*eventualno*) usluge / radovi, koje će Dobavljač dobiti Kupcu u skladu s odredbama ovog ugovora i sljedećim dokumentima koji čine sastavni dio ovog ugovora u obliku njegovih priloga i to:

- Ponudom / specifikacijom Dobavljača br. 1608-ES/17 od 09.01.2018. godine
- dalje:

ponuda Dobavljača - (Prilog 1), (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio ugovora sa tim da se zbog obimnosti iste uz ugovor fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljenom po otvorenom postupku, tender broj 25/17.

## CIJENA

### Član 2.

Cijena koju će Kupac isplatiti Dobavljaču za opremu i (eventualno) usluge / radove iz člana 1. Ugovora iznosi:

- Cijena bez PDV-a = 149.900,00 KM
- Porez na dodanu vrijednost (PDV 17%) = 25.483,00 KM
- UKUPNA VRIJEDNOST / CIJENA sa PDV-om = 175.383,00 KM  
(slovima: stotinusedamdesetpethiljadatristotineosamdesettri i 00/100 KM).

Financijska sredstva za predmetnu nabavku obezbjeđena su na osnovu Plana nabavki za 2017. godinu broj 332-6/17 od 30.01.2017. godine (stavka 201.).

## USLOVI I NAČIN PLAĆANJA

### Član 3.

Plaćanje će se izvršiti u roku od 60 (šezdeset) dana od dana zaprimanja računa za stvarno isporučenu robu. Plaćanje se obavlja na žiroračun Dobavljača. Kupac se obavezuje izvršiti uplatu avansa u iznosu 40% od ukupne vrijednosti Ugovora odmah po potpisivanju Ugovora. Ukupna plaćanja Dobavljaču bez PDV-a na temelju sklopljenog ugovora ne smiju prelaziti procijenjenu vrijednost nabavke.

Kupčeva obaveza da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.

Dobavljač je dužan izdati / sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuju Kupca ni onda kada je fakturu primio, a nije joj prigovorio.

U cijenu ponude uključen je sav sitni spojni ne specificirani materijal, radni sati, transport i drugi ovisni troškovi za nabavku i ugradnju agregatskih postrojenja.

## ROK ISPORUKE

### Član 4.

Rok isporuke ukupno ugovorene i specificirane količine robe iz člana 1. ovog ugovora je 90 (devedeset) dana računajući od vremena poziva na isporuku robe. Pod isporukom se

podrazumijevaju sve potrebne radnje koje je Dobavljač dužan obaviti, prema ugovoru i primedi posla, da bi Kupac mogao primiti isporuku.

Mjesto izvršenja obaveza Dobavljača (isporuke robe) je Javna ustanova „Opća bolnica Prim.dr. Abdulah Nakaš“ Sarajevo, Kranjčevićeva 12.

Kupac se obavezuje isplatiti cijenu i preuzeti isporuku ugovorene robe onako kako je predviđeno ovim ugovorom. Kupčeva obaveza preuzimanja isporuke općenito se sastoji u obavljanju svih radnji koje se razumno od njega očekuju da bi omogućio Dobavljaču izvršiti isporuku i u preuzimanju opreme.

Do isporuke / predaje opreme Kupcu (do dana obostranog potpisivanja zapisnika o kvantitativnom prijemu robe bez primjedbi) rizik slučajne propasti ili oštećenja robe snosi Dobavljač, a s isporukom / predajom opreme rizik prelazi na Kupca. Rizik ne prelazi na Kupca ako je isti zbog nekog nedostatka isporučene / predane robe raskinuo ugovor ili tražio zamjenu opreme.

Dobavljač je dužan da o svom trošku ugovorenu robu osigura od uobičajenih rizika. Dobavljač vrši osiguranje do momenta prelaska rizika u skladu sa ovim, a Kupac od tog momenta.

Roba koja je predmet ovog ugovora i koju će Dobavljač isporučiti Kupcu prema ovom Ugovoru bit će upakovana u originalnoj i neotvorenoj ambalaži od originalnog proizvođača uz označavanje pakovanja na propisan način. Dobavljač će zapakovati robu tako da može izdržati transport, manipulaciju i eventualno skladištenje u razumnom vremenskom roku. Ambalaža mora imati takva svojstva koja posebno obezbjeđuju zaštitu od vlage.

Dobavljač se obavezuje da obezbjedi rezervne dijelove u trajanju minimalno 10 (deset) godina od dana puštanja opreme u funkciju.

Dobavljač se obavezuje da će radove vezane za predmetnu nabavku izvoditi izvan radnog vremena i u dane vikenda, kako ne bi bio ugrožen radni proces Kupca.

Dobavljač se obavezuje da će prije početka izvođenja radova, a najkasnije u roku od 7 (sedam) dana od dana stupanja ugovora na snagu, izraditi dinamički plan izvođenja radova i isti usaglasiti sa predstavnikom Kupca na gradilištu, te dostaviti svu drugu neophodnu dokumentaciju za izvođenje radova predmetne nabavke.

## **ODGOVORNOST ZA MATERIJALNE I PRAVNE NEDOSTATKE**

### **Član 5.**

Dobavljač odgovara za materijalne nedostatke stvari koje je ona imala u času prelaza rizika na Kupca, bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je postojao prije toga. Neznatan materijalni nedostatak ne uzima se u obzir. Šta se podrazumijeva pod neznatnim materijalnim nedostatkom zajednički / komisijski

uvršeno Kupac i Dobavljač. U obavijesti o nedostatku stvari Kupac je dužan potanje opisati nedostatak i pozvati Dobavljača da pregleda stvar. Ako obavijest o nedostatku koju je Kupac blagovremeno poslao Dobavljaču preporučenim pismom, telefaksom ili na neki drugi pouzdan način, zakasni ili uopšte ne stigne prodavatelju smatra se da je Kupac izvršio svoju obavezu da obavijesti Dobavljača. Nedostatak postoji ako ugovorena / isporučena oprema / stvar nema svojstva i odlike koje su izričito određene ovim ugovorom. Dobavljač odgovara i za nedostatke koje je Kupac mogao lako opaziti ako je izjavio da stvar nema nikakve nedostatke ili da stvar ima određena svojstva ili odlike.

Dobavljač odgovara ako na isporučenoj robi postoji neko pravo trećeg koje isključuje, smanjuje ili ograničava pravo Kupca, a o čijem postojanju Kupac nije bio obaviješten, niti je pristao da primi stvar opterećenu tim pravom. Ukoliko se pokaže da treća osoba polaže neko pravo na ugovorenu robu, Kupac je dužan obavijestiti Dobavljača o tome (obavještenje se vrši na način iz prethodnog stava ovog člana - preporučeno pismo ili telefaks ili neki drugi pouzdan način), izuzev kad je to Dobavljaču već poznato, i pozvati ga da u razumnom roku oslobodi stvar / opremu od prava ili pretenzije trećeg ili da mu isporuči drugu stvar bez pravnog nedostatka. Ako Dobavljač ne postupi po zahtjevu Kupca, ugovor se raskida.

Dobavljač se obavezuje da se odazove na hitnu intervenciju u roku od maksimalno 2 (dva) sata od momenta prijave kvara.

Dobavljač je obavezan u toku izvođenja radova predmetne nabavke označiti gradilište i voditi računa o sigurnosti radnika, pacijenata, opreme i instalacija Kupca. U slučaju bilo kakvih povreda radnika i pacijenata, oštećenja na opremi, objektu i instalacijama u toku izvođenja radova, a nastalih nepažnjom i ne stručnim radom, Dobavljač se obavezuje nadoknaditi svu nastalu materijalu štetu Kupcu.

## **BANKOVNE GARANCIJE ZA OSIGURANJE IZVRŠENJA UGOVORENIH OBAVEZA**

### **Član 6.**

Dobavljač je, u smislu osiguranja izvršenja obaveza po ovom ugovoru, obavezan Kupcu dostaviti sljedeće безусловne originalne bankarske garancije (prema obrascu utvrđenom od strane Kupca):

- garanciju za uredno izvršenje ugovora / dobro izvršenje posla u iznosu 10% ukupne vrijednosti Ugovora sa uračunatim PDV-om, sa rokom važnosti garancije: rok isporuke roba + 30 dana;

Dobavljač će garanciju iz prethodnog stava dostaviti u roku od 10 (deset) dana od dana zaključivanja ovog ugovora / obostranog potpisivanja ovog ugovora.

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način,

shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavim.

## GARANTNI ROK

### Član 7.

Garantni period na koji se Dobavljač obavezuje u pogledu ugovorenih roba u trajanju od 24 (dvadesetčetiri) mjeseca, počinje teći od datuma obostranog potpisivanja Zapisnika o kvantitativnom prijemu robe bez primjedbi. Na osnovu predatog garantnog lista kojim proizvođač robe garantuje ispravno funkcionisanje iste, Kupac ima pravo, ako oprema ne funkcioniše ispravno, zahtijevati kako od Dobavljača tako i od proizvođača da robu popravi u određenom roku ili, ako to ne učini, da mu mjesto nje isporuči robu koja funkcioniše ispravno. U slučaju manjeg popravka, garantni rok se produžava onoliko koliko je Kupac bio lišen upotrebe opreme / stvari. Međutim, kada je zbog neispravnog funkcionisanja izvršena zamjena stvari ili njezin bitni popravak, garantni rok počinje teći ponovo od zamjene, odnosno vraćanja popravljene stvari / robe. Ako je zamijenjen ili bitno popravljen samo neki dio robe / stvari, garantni rok počinje teći ponovo samo za taj dio.

## UGOVORNA KAZNA, ZATEZNA KAMATA

### Član 8.

U slučaju kašnjenja u isporuci opreme Kupac će zaračunati i naplatiti Dobavljaču na ime ugovorne kazne iznos od 1% ukupne vrijednosti opreme čija isporuka kasni za svaki puni dan zakašnjenja počev od prvog dana docnije do maksimalnih 5%, ukupne vrijednosti / cijene Ugovora.

Kupac ne može zahtijevati ugovornu kaznu ako je primio ispunjenje obaveze, a nije bez odlaganja pismeno saopštio Dobavljaču da zadržava svoje pravo na ugovornu kaznu.

Na zakašnjela plaćanja Dobavljač će zaračunavati Kupcu zatezne kamate prema primjenjivom / pozitivnom propisu.

## VIŠA SILA

### Član 9.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 7 dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih

strana, čije nastupanje i dještvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dještva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašuje kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 15 dana, ugovorne strane će se sporazumijeti o daljnoj sudbini Ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

## **STUPANJE UGOVORA NA SNAGU**

### **Član 10.**

Ovaj ugovor stupa na snagu danom obostranog potpisivanja od strane ovlaštenih lica ugovornih strana, a zaključuje se na period do okončanja isporuke robe i uplate sredstava na račun Dobavljača. Svi rokovi u vezi s ovim ugovorom računaju se od dana stupanja ugovora na snagu.

## **PRIMJENA ZAKONA O OBLIGACIONIM ODNOSIMA**

### **Član 11.**

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

## **RJEŠAVANJE SPOROVA**

### **Član 12.**

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

Ukoliko se jedna od ugovornih strana ne bude pridržavala odredbi ovog ugovora, druga ugovorna strana ima pravo na jednostrani raskid ugovora, ne kraći od 5 (pet) dana od dana prijema pisane obavijesti.

Raskid ugovora vrši se u pisanoj formi.

## **OSTALE ODREDBE**

### **Član 13.**

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### **Član 14.**

Izmjene i dopune ovog ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

Član 15.

Ovaj Ugovor je sačinjen u 4 istovjetnih primjeraka od kojih svaka ugovorna strana zadržava po 2 primjerka.

PRIPREMILA:  
Amira Petrović, BA općeg prava  
Referent za pravne poslove

*AT*


KONTROLISALA:  
Sadeta Hrustemović, dipl.iur.  
Kordinator za javne nabavke

*SH*

Dobavljač:  
„ENERGOINVEST-SUE“ d.d. Sarajevo

DIREKTOR

*Suzan Hota*  
Suzan Hota, dipl.el.ing.



Kupac:

Javna ustanova Opća bolnica

Prim.dr. Abdulah Nakaš

DIREKTOR

*Zlatko Kravić*  
Prim.dr. Zlatko Kravić

Broj: 228-177/18  
Sarajevo, 24.01.2018.

Broj: 282-6/18  
Sarajevo, 16.01.2018. godine

*se*  
*SH*  
*SA*